

eman ta zabal zazu



Universidad
del País Vasco

Euskal Herriko
Unibertsitatea

**UPV/EHUko IKERTZAILE DOKTOREEN
ESPEZIALIZAZIORAKO KONTRATAZIOA EGITEKO
DEIALDIA
(2021)**

ATARIKOA

Universidad del País Vasco/Euskal Herriko Unibertsitateak (aurrerantzean UPV/EHU), Euskal Herriko Autonomia Erkidegoko ikerketa gune nagusia den aldetik, kalitateko ikerkuntza jarduerak egiteko erantzukizuna dauka. Testuinguru honetan, unibertsitateko ikertaldeek ezin diete beti aurre egin ikerkuntza estrategikoaren erronkei, dauzkaten baliabideak batzuetan ez baitira behar adinakoak. Helburu honen garatzeko, deialdi honen bidez, doktoreak espezializatu eta lan munduan txertatu nahi dira, unibertsitateko ikerketa taldeetarako aldi baterako kontratazio neurriak sustatuta.

Ikuspegi horretatik abiatuta, eta UPV/EHUren Ikerketa Planean aurreikusitako ekintzei jarraituta, deialdi honen helburua jakintza arlo guztietako doktoreen ikertzeko gaitasuna hobetzea da, ikerkuntza jardueren kopuruak eta kalitateak gora egin dezaten.

Helburu honetarako 500.000€ bideratuko da, Eusko Jaurlaritzarekin formalizatutako Bikaintasuneko Ikerkuntzarako Kontratu Programaren barruan "Ikerketaileei (PBI eta ID) ikertaldeetara sar daitezen eskaini beharreko prestakuntzarako kontratu programak sustatzea" esleitutako finantzaketari lotutako aurrekontu kredituari dagozkionak, bai eta Ikerketaren arloko errektoreordetzaren funtsei ere. Kopuru hau gehitu ahal izango da, unean uneko aurrekontu izatean araberak. Zenbateko osoa deialdi honen babesean eta hura indarrean dagoen artean formalizatuko diren kontratuen kostua ordaintzeko erabiliko da.

Horretara, Ikerketa, Garapen eta Berrikuntza Batzordearen (aurrerantzean IGBB) aldeko txostena jaso ostean eta Gobernu Kontseiluak onetsi ondoren, Ikerketaren arloko Errektoreordetzak (aurrerantzean IAE) erabaki du subentzioak emateko honako deialdi hau argitaratzea, ondoren zehaztuko diren baldintzetan.

1. OINARRIA. DEIALDIAREN HELBURUA

Deialdi honen bidez, espezializazioa eta laneratze profesionala sustatu nahi dira, ikertzaile doktoreak aldi baterako kontratatuz eta unibertsitateko ikertaldeetan sartuz, jakintza arlo zientifikoa edozein dela.

Egin beharreko lana, nagusiki, ikerketa lana izango da xede duena ikertzaileak prestakuntza maila eta espezializazio profesional handia lortzea esperientzia profesionala finkatze aldera.

Deialdi honen ondorioetarako ulertuko da Unibertsitateko Ikertalde (UIT) izango direla UPV/EHUren deialdietako batean ikertalde gisa finantzatu izan direnak edo euskal unibertsitate sistemaren ikertalde deialdietan A edo B mota gisa aitortutakoak, 2021ean aktibo izanez gero.

2. OINARRIA. KONTRATUEN EZAUGARRIAK:

2.1. Gehien dela, **10** kontratutarako deia egiten da, ikerkuntzaren arlo guztietara irekita, hauetarik gutxienez ikerketaren bost arloetako bakoitzerako **bana** kontratu gordeta (Zientziak, Ingeniaritza eta Arkitektura, Osasun Zientziak, Gizarte eta Lege Zientziak, Arteak eta Giza Zientziak).

Bigarren kontratuaren erreserba egiteko dagokion arloan eskarien %10 egon beharko du gutxienez eta 65 puntutik gora izan beharko ditu 11. oinarriko ebaluazio-irizpideen arabera.

Kontratuetakoa bat gordeko da %33ko ezgaitasuna edo handiagoa luketen pertsonentzat, 1. oinarrian ezarritako lana garatu ahal izateko gaitasuna egiaztatzen badute, zuzendari zientifikoa bitarte.

2.2. Deialdi honen lortutako lan kontratua Zientzia, Teknologia eta Berrikuntzari buruzko ekainaren 1eko 14/2011 legearen (aurrerantzean ZTBL) 22. artikulua arautuko du eta arduraldi osokoa izango da.

2.3 Kontratatutako pertsona UPV/EHUren sail, institutu edo guneren bati atxikiko zaio, bertan lan egingo duelarik.

2.4. Sinatu beharreko kontratuaren iraunaldia 12 hilabetetako izanen da, berori formalizatuko deneko datatik hasita.

Hamabi hilabeteren luzapena planteatu ahal izango da, nahikoa aurrekontu zuzkidura egongo balitz eta, edonola ere, kontratatutako ikertzaileak, kontratua indarrean egon aurreko hamabi hilabeteetan zehar egindako bi ekarpenen ekoizpen zientifikoa egiaztatuko balu, Ikerkuntza Ebaluatze Espainiako Batzordeak (CNEAI) zein bere jakintza arlorako ezarritako irizpideekin bat etorritik (Ebaluazio arlo bakoitzerako onartutako irizpide espezifikoak argitara eman zituen CNEAI Ikerketa Ebaluatze Espainiako Batzordearen 2020ko azaroaren 23ko erabakia).

https://personal.uca.es/wp-content/uploads/2020/12/CNEAI_convocatoria-2020_criterios.pdf

Argitalpenen kasuan, aski izango da aldizkariak adierazitako onespina. Inola ere ezingo dira erabili 3.4 oinarrian adierazitako baldintza betetzeko erabili ziren argitalpenak. Gainera, zuzendari zientifikoaren aldeko txostena izan beharko du.

Onuraduna alde zuzen kontratatuta egon bada, Zientzia, Teknologia eta Berrikuntzari buruzko Legearen 22. artikulua arabera, modalitate horretako kontratu guztien gehieneko iraupena 5 urtetakoa izango da.

Honez gainera, europar batasunetik kanpoko atzerriko hiritarren kasuan, luzapena gauzatuko bada, kasuan kasuko lan baimenak indarrean egon beharko dira.

2.5. Aldi baterako lanerako ezintasunak, haurdunaldiko arrisku egoerak, amatasunak, umeen adopzioa edo harrerak, edoskitzaroko arrisku egoerak eta aitatasunak gelditu egingo dute epearen zenbaketa kontratuaren iraupenari dagokionez.

2.6. Interesdunak eskaera arrazoitua egiten badu, bai kontratua sinatu eta hurrengo unean bai indarrean dagoen edozein unetan, irakasle eta ikertzaileen arloko errektoreordeak kontratua etetea onartu ahal izango du, gehienez ere sei hilabetez. Hori eginez gero, etenaldi hori ezingo da berreskuratu; hau da, kontratua ezingo da luzatu, eta erabakian ezarritako mugaeguna helduan amaituko da. Kontratuaren etenaldian zehar baja emango da gizarte segurantzari. Etenaldiaren ondoren laguntza berriz jasotzeko izapideak egin ezean, bekari uko egin zaiola ulertuko da, eta automatikoki emango zaio behin betiko baja.

2.7. Deialdi honen baitan kontratatutako ikertzaileek jasoko duten urteko ordainsari gordina, UPV/EHUK kategoria honetan lanaldi osoko arduraldian ari den pertsonalari ezarritako diona izango da.

2.8. Deialdi honen babesean formalizatutako kontratuak ez dakar kontratu harreman egonkorrik esleipendunaren eta UPV/EHUren artean; harreman hori kontratuaren indarraldia bukatzearekin batera amaituko da.

3. OINARRIA. ESKATZAILEEN BETEKIZUNAK

Deialdi honetan parte hartzeko, eskatzaileek ondoren zerrendatzen diren baldintza guztiak bete behar dituzte **eskaria aurkezten denean**:

3.1. ***Doktore tituluaren jabe izatea edo 6 hilabete naturalen epean lortzeko modua izatea.***

Doktore tituluaren jabe ez balitz, agiri bat aurkeztu behar da tesia inskribaturik duen doktorego programaren koordinatzaileak eta tesiko zuzendariak sinaturik, adieraziz eskatzailea titulua 6 hilabete naturalen epean lortzeko moduan dagoela.

Atzerriko unibertsitateetan lortutako doktore tituluak homologatu egin behar dira kasuan kasuko espainiar tituluarekin parekatuz.

Atzerriko ikastegietan lortutako tituluaren kasuan, doktore tituluaren eta bere homologazioaren jabe izatearen beharra lan kontratua formalizatzerakoan egiaztatuko beharko da.

3.2. Gainera, ezin dira hiru urte baino gehiago iragan lehenengo doktoregoa lortu egin zeneko datatik eskaerak aurkezteko azken egunera bitartean.

Doktoregoaren lortze datatzat hartuko da doktorego tesia irakurri eta onartu zeneko data. Aipatu epea kontatzerakoan ez dira kontutan hartuko Gizarte Segurantzako erregimen orokorrari jarraiki hartutako amatasun edo aitatasunagatiko atsedenaldirak, gaixotasun larriagatiko edo istripuagatiko aldirak; betiere, medikuak emandako bajak hiru hilabetetatik gorakoa izan behar du. ZTBaren 22. artikuluko modalitatean kontratatuta izandako epeak ere deskontatuko dira.

3.3. ***Proposatzen den zuzendari zientifikoari dagokion ikertaldearen bermea izan behar du.***

3.4. ***CNEAI-k kasuan kasuko jakintza arlorako ezarritako irizpideen arabera bi ekarpenen egiletza edo egile-kidetza egiaztatuko beharko dute.*** Argitalpenen kasuan, aski izango da aldizkariak adierazitako onespena. Doktorego tesia bera edo argitalpen zerbitzuren batek egindako haren argitalpena ez da helburu honetan aintzat hartuko.

3.5. ***Doktorego ondoko laguntzarik edo UPV/EHUko doktoreentzako hobekuntza laguntzarik jaso ez izana, doktore berriak doktorego ondoko prestakuntza programetan sartu arte kontratatzeko UPV/EHUren deialdiari legezkoak salbuetsita.*** Bateragarria izango da kontratu biak aldi berean izatea.

3.6. Zientziaren, Teknologiaren eta Berrikuntzaren ekainaren 1eko **14/2011 legearen 22. artikulua artzuten duen kontratu modalitatean**, 3 urtetatik gorako epean **ez UPV/EHUK ez beste edozein entitatek kontratatu ez izana.**

3.7. Pertsona bakoitzak eskari bakarra aurkeztu ahal izango du deialdi honetara.

3.8. Margarita Salas edo María Zambrano modalitatearen batean hautatua ez izatea, 2021-2023rako Espainiako Unibertsitate Sistema Birkualifikatzeko Laguntzen Deialdian. 2021-2023 aldirako Espainiako Unibertsitate

Sistema Birkualifikatzeko Laguntzen Deialdiko laguntzari uko egiteak ez du inola ere betekizun hori betetzetik salbuetsiko.

4. OINARRIA. ESKARIA BERMATZEN DUEN ZUZENDARI ZIENTIFIKOAREN BALDINTZAK

4.1. **UPV/EHurekiko lotura funtzionarial zein estatutu edo lan kontratuaren bidezkoa izan behar du, eskaria aurkezteko unean eta laguntzaren iraunaldi osoan zehar.**

4.2. **Gutxienez hiru seiurteko edo seiurteko bizi bat izatea (azken 6 urteetan lortutakoa), CNEAik emana edo ebaluazio positibo baliokidea,** irakasle ez-iraunkorrenzat antzeko ebaluazio agentzia egiaztatu batek emana, eskaria aurkezteko unean.

Salbuespenez, Ikerketaren arloko errektoreordetzak ikerkuntza jardueraren ebaluazioa gestionatuko du xede horretarako kontratatutako agentzia baten bidez, norbere kontratuaren izaerarengatik CNEAren seiurtekoak eskuratzeko urteroko deialdira aurkezterik ez duten zuzendariak parte hartzeko aukera izan dezaten errazte aldera.

4.3. **Eskaria aurkezten deneko unetik bertatik eskaria bera bermatzen duen ikertaldeko kide izan behar da.**

4.4. Zuzendari bakoitza deialdi honetako eskari bakar batean agertu ahal izango da.

5. OINARRIA. ESKARIA BERMATZEN DUEN IKERTALDEAREN BALDINTZAK

5.1. Ikertalde gisa aitortua izan behar da ondoko **deialdi hauetako batean:**

- a. 2021ean diharduten Euskal Unibertsitate Sistemako ikertaldearen jardueretarako dirulaguntzen deialdia (Eusko Jaurlaritzaren ikertalde finkatuen deialdia).
- b. UPV/EHuko ikertaldeetarako laguntzak emateko deialdiak eta eskaria egiterakoan finantzaketarik duena, barne izaki UPV/EHUn ikerkuntzan jarduteko 2020ko laguntza deialdiaren II. modalitatekoak.

5.2. Eskaria egiterakoan finantzaketa izan behar da, halaxe ulertuta ikertaldearen jarduerak espresuki finantzatzen dituzten deialdietako edozeinetan lortutakoa. Ez dira halakotzat hartuko, ikertaldeetarako deialdi espezifikotik finantzaketarik lortu ez duten ikertaldeetarako egindako deialdi ezohikoak.

6. OINARRIA. KONTRATATUTAKO LANGILEEN ESKUBIDEAK

6.1. Eskubidea dute txertatzen diren adskripzio sail, institutu edo guneen laguntza eta sostengua jasotzeko, tokian tokiko baliabideen neurrian, beren ikasketak eta ikerketak egiteko.

6.2. Zeregin osagarriak egin ahal izango dituzte proposatutako ikerketa jarduerarekin erlazionatutako irakaskuntza lanetan (gehienez 80 ordu urtean), dagokion sailarekin hitzarmena egin ondoren eta UPV/EHUn zerbitzura dauden langileentzako bateraezintasunei buruzko indarreko arautegiari lotuta, irakasgai ardurarik izan edo ikasleen ebaluazio edo probarik egin ezin dutelarik.

6.3. Onuradunek unibertsitateko Ikerketako Zerbitzu Nagusiak (SGIker) erabili eta baliatzeko bermea izango dute, bai eta bere baitan hartzen dituen unibertsitateko ikertaldearen azpiegiturak eta materiala ere.

6.4. Era berean, eskubidea izango dute sailaren ikerketa baliabideak erabiltzeko, eta unibertsitateko ikertaldeak bere ikerlana egiten duen ikastegiko baliabideak ere, horretarako ezarrita dauden baldintzei men eginez betiere.

7. OINARRIA. KONTRATATUTAKO LANGILEEN BETEBEHARRAK

7.1. Esleitutako UPV/EHuko sail, institutu edo ikergunean deialdi honetako 13.3. oinarrian ezarritako epean sartzea.

7.2. Esleitutako sail, institutu edo ikergunearen funtzionamendurako arauak bete beharko dituzte, bai arduraldiari dagokionez, bai eginkizunei dagokienez, bai eta ordutegi eta oporrei dagokienez ere.

7.3. Beren ikerketa lana atxikitako sailean edo institutuan egitea.

7.4. Laguntza jasotzearekin zerikusia duten txosten, formulario eta gainerako agiriak bete beharko dituzte ikerkuntzaren gestiorako zuzendaritzak (aurrerantzean IGZ) edo deialdia gestionatzen duten zerbitzuek hala eskatzen dietenean.

7.5. Irakasle eta Ikertzaileen arloko errektoreordetzari gutxienez 10 lanegun lehenago jakinaraztea deialdi honen babesean sinatutako kontratuari uko egiten diotela, edo deialdiaren helburuak lortzea galarazten dieten jazoerak edo kalteak izan dituztela. Deialdi honek iraun bitartean jasotako beste laguntza edo ordainsarien berri ematea, espresuki.

7.6. Deialdi honen babesean formalizatutako kontratuak iraun bitartean egindako lanak sinatzean Euskal Herriko Unibertsitatearekiko atxikipenaren aipamena egin beharko da.

Era berean, UPV/EHUko Ikerketaren arloko Errektoreordetzak ikertzaileak espezializatzeko ematen dituen kontratazioen deialdia aipatu beharko da kontratuak iraun bitartean egindako ikerketa jardueretatik eratorritako argitalpenetan eta bestelako emaitzetan, eskerrak emateko atalean.

7.7. Beren jardueri buruzko informazio guztia eman beharko diete finantzak kontrolatu eta egiaztatzeko eskumena duten organoei, horiek hala eskatzen dietenean.

7.8. UPV/EHUren titulartasuna aitortzea, egindako ikerketa lanaren ondorioz sor litezkeen argitalpen, patente, modelo baliagarri eta jabetza intelektualeko objektuen nahiz lanen inguruan, jabetza industrial edo intelektualaren helburuko horien asmatzaile gisa egin beharreko aitortenari betiere eutsiz.

7.9. Deialdi honen babesean kontratua formalizatzeko deialdiko arauak errespetatzea dakar, bai eta Ikerketaren arloko Errektoreordetzak eta atxikitze sail eta institutuek, dauzkaten eskumenei jarraiki, lana ikuskatzeko eta ebaluatzeko ezarritako arauak errespetatzea ere.

7.10. Ikertzailearen Gutun Europarrean aurreikusitako betebeharrak eta espezifikoa betetzea.

8. OINARRIA. ZUZENDARI ZIENTIFIKOAREN BETEBEHARRAK

8.1. Zuzendari zientifikoaren betebeharra izanen da doktoregaiei emandako laguntza zehaztutako helburuaren betetzeko baliatzen dela bermatzea, laguntza indarrean den bitartean arduradun gisa arituko direlarik. Era berean, Ikerketaren arloko Errektoreordetzari jakinarazi beharko diote proposatutako ikerketa eragotziko ahal duen edozein baldintzaren berri.

8.2. Prestakuntza programaren garapen egokia zaindu beharko dute, eta ikerkuntzarekin nahiz ikerkuntza egiteko behar den prestakuntzarekin zerikusirik ez daukaten jarduerak eragotzi beharko dituzte.

8.3. Ikertzaileei behar duten laguntza eskaintzea eta beren lana behar bezala egiteko behar dituzten baliabideak, tresnak edo ekipamenduak eskura jartzea. Kontratututako ikertzaileen eskura jartzea lana behar bezala egiteko behar dituzten instalazioak eta baliabide materialak, eta adskripzio sail, institutu edo ikastegian antzeko kategoria duten langileen eskubide eta prestazioak dituztela bermatzea.

8.4. Inork laguntzari uko egiten badio, edo laguntzaren bat eteten bada, edo beste gorabeheraren bat gertatzen bada, horren berri eman beharko diote IGZri, gehienez 10 lanegunen epean, aipatutako jazoerak gertatzen diren egunetik kontatzen hasita.

8.5. Kontratua jasotzearekin zerikusia duten txosten, formulario eta gainerako agiriak bete beharko dituzte IGZk edo deialdia gestionatzen duten zerbitzuek hala eskatzen dietenean, ikertzaileak egindako lanaren deskribapen zehatza barne, ordura arte helburuak noraino bete diren zehaztuz.

8.6. Ikertzailearen Gutun Europarrean aurreikusitako betebeharrak betetzea.

9. OINARRIA. IKERKETA JARDUERETAN BETE BEHARREKO PRINTZIOAK

9.1. Deialdi honen bidez gauzatu nahi diren jardueretan gizakiak, gizakien lagin biologikoak eta/edo datu pertsonalak erabili nahi badira, ondorengo baldintzak bete behar dira:

- Aitorpenetan jasotako printzipio etikoak errespetatzea (Belmont, 1979; CIOMS, 2002; Giza Genoma, UNESCO, 1997; Oviedoko Biltzarra, 1999; eta Tokio, 2004).
- Indarreko legeria bete: 14/2007 Legea, biomedikuntzako ikerketei buruzkoa; 1716/2009 ED, biobankuei buruzkoa; 41/2002 Legea, pazientearen autonomiari buruzkoa; 3/2018 Lege Organikoa, abenduaren 5koa, Datu Pertsonalak Babesteari eta Eskubide digitalak Bermatzeari buruzkoa, eta 2016/679 Erregelamendua (EB), Europako Parlamentuarena. Bai eta Datu Pertsonalak Babesteari buruzko UPV/EHUko Arautegia ere.
- Kasuan kasuko Ikerketako Batzorde Etikoaren (AEIBE) aurreko eta nahitaezko aldeko txostena lortzea, Gobernu Kontseiluaren 2014ko urtarrilaren 30eko erabakiak, UPV/EHUko ikerketan eta irakaslanean etika organoak arautzeari buruzkoan (EHAA, 32 zk., 2014-02-17koa), jasotzen duen bezala.

9.2. Deialdi honen bidez gauzatu nahi diren jardueretan animaliekin esperimintatu nahi bada, ondorengo baldintzak bete behar dira:

- Nazioartean sustatutako ordezte, murrizte eta fintze irizpideak errespetatu.
- Animaliekin ikertzearen arloko indarreko araudia bete (53/2013 ED).

- Animaliekin egiten den Esperimentaziorako Etika Batzordearen (AEEB) aldeko txostena lortu, alde zurretik eta nahitaez, Gobernu Kontseiluaren 2014ko urtarrilaren 30eko Erabakian, UPV/EHUko ikerketako eta irakaskuntzako etika organoak arautzen dituen Arautegiak jasotzen duen bezala (erabakia 2014-02-17ko EHAAn argitaratu zen, 32. zk.).
- Agintari eskudunaren baimena agertu (foru diputazioen abeltzaintza saila).

9.3. Deialdi honen bidez gauzatu nahi diren jardueretan agente biologikoak eta/edo genetikoki eraldatutako organismoak erabili nahi badira, ondorengo baldintzak bete behar dira:

- Giza osasuna eta ingurumena babestearen inguruko prebentzio, zuhertasun eta informazio printzipio etikoak errespetatu.
- Arlo horretako indarreko araudia bete (31/1995 Legea, laneko arriskuak prebenitzeari buruzkoa; 664/1997 ED, langileak eragile biologikoekin lan egitearen arriskuetatik babesteari buruzkoa; 665/1997, langileak eragile kartzinogenoekin lan egitearen arriskuetatik babesteari buruzkoa; 9/2003 Legea eta 178/2004 ED, genetikoki eraldatutako organismoen erabilera konfinatua, borondatezko askapena eta merkaturatzeari buruzkoa).
- Agente Biologikoekin eta Genetikoki Eraldatutako Organismoekin egindako Ikerketetarako Etika Batzordearen (ABIEB) aldeko txostena lortu, alde zurretik eta nahitaez, Gobernu Kontseiluaren 2014ko urtarrilaren 30eko Erabakian, UPV/EHUko ikerketako eta irakaskuntzako etika organoak arautzen dituen Arautegiak jasotzen duen bezala (erabakia 2014-02-17ko EHAAn argitaratu zen, 32. zk.).

9.4. Deialdi honen bidez gauzatu nahi diren jardueretan enbrioi zelula amekin edo haietatik eratorritako zelula lerroekin ikerketak egiteko beharrezkoa izango da hauek betetzea: 45/2003 Legea eta hari dagokion 2132/2004 ED, soberako aurre-enbrioietatik eskuratutako zelula amekin ikerketak egiteko baimena eskatzeko baldintzak eta prozedurak ezartzen dituen, bai eta 09/2014 ED ere, uztailaren 4koa, giza zelulak eta ehunak emateko, lortzeko, ebaluatzeko, prozesatzeko, zaintzeko, gordetzeko eta banatzeko kalitate eta segurtasun arauak ezartzen dituen.

Horrez gain, giza laginekin egindako ikerketari buruzko arau hau ere kontuan izan beharko da: 1716/2011 Errege Dekretua, azaroaren 18koa; honen bidez, alde batetik, biomedikuntzako ikerketa egiteko xedea duten biobankuak baimentzeko oinarritzko eskakizunak ezartzen dira, baita biobanku horiek jarduteko oinarritzko eskakizunak ere; bestetik, giza lagin biologikoak tratatzeko bete behar diren oinarritzko eskakizunak ezartzen dira, eta, azkenik, Ikerketa Biomedikorako Erregistro Nazionalaren funtzionamendua eta antolamendua arautzen dira (2011ko abenduaren 2koa, ostirala, EBO; 290. zk.). (EBO, 290. zk., 2011ko abenduaren 2koa, ostirala).

9.5. Deialdi honen bidez gauzatu nahi diren jarduerak ezin izango dute gerrarik piztu, sustatu eta babestu, ez eta, zehatzago, armak egiteko eta/edo merkaturatzeko enprekin zuzenean edo zeharka lan egin ere.

10. OINARRIA. ESKAERAK AURKEZTEKO EPEA

10.1. **Eskaria aurkezteko tokia eta era.** Eskakerak UPV/EHUko Ikerketaren arloko errektoreordeari bidaliko zaizkio.

Administrazio Publikoaren Administrazio Prozedura Erkidearen urriaren 39/2015 Legearen 16. artikuluan ezarritakoarekin bat etorritik, eskabidea eta dokumentazioa ezarritako epearen barruan aurkeztu beharko dira, ahal dela <https://egoitza.ehu.eus/es/registro-electronico> URL helbidean kokatutako UPV/EHUren erregistro elektronikoen bidez, eskabidearen «norakoan» adieraziz, lehendabizi, «Ikerketaren arloko errektoreordetza» eta, bigarren, «Ikerketa deialdien gestioa (U02000256)», «eskatzen du» dioen atalean «Doktoreen espezializazioa 2021» jarriz. Horretarako, identifikazio elektronikoko sistema hauetakoren bat erabili beharko da: a) Izenperen ziurtagiri digitala, b) UPV/EHUko txartela (Izenpe), c) NAN elektronikoa edo d) Diruaren eta Zerga-zigiluaren Fabrika Nazionalaren Ziurtagiria (FNMT-CERES).

Beste era hauetako batean ere aurkeztu ahal izango da: a) sektore publikoko edozein erakunderen erregistro elektronikoen, b) modu presentzian UPV/EHUko erregistro gaitan laguntzeko bulegoetan edo sektore publikoko beste edozein erakunderen, gaitasuna duen funtzionario publikoaren bidez, c) Correoseko bulegoetan, eta d) Espainiak atzerrian dituen ordezkari diplomatikoetan edo bulego kontsularretan.

UPV/EHUko erregistro gaitan laguntzeko bulegoetan presentzialki aurkeztutako eskaerak eta dokumentuak digitalizatu egingo dira, espediente administratibo elektronikoen sartzeko, eta originalak interesdunari itzuliko zaizkio, alde zurretik funtzionarioaren aurrean identifikatuta eta egintza hori egiteko berriazko baimena emanda, UPV/EHUko idazkari nagusiaren 2021eko apirilaren 28ko Erabakiarekin bat etorritik, horren

bidez jarraibidea onartzen baita, gai hauen inguruan: erregistro gaitan laguntzeko bulegoak, eskaerak, idatziak eta bestelako komunikazioak funtzionario gaituen bidez aurkeztea UPV/EHUn, eta funtzionario gaituen erregistroa.

Esteka honetan kontsultatu ahal izango dira UPV/EHUren erregistroetarako bertaratze bulegoen helbideak eta jendaurreko ordutegiak: <https://www.ehu.es/eu/web/idazkaritza-nagusia/upv/ehuko-erregistro-orokorraren-ordutegia>.

Posta bulegoak erabiliz gero, dokumentazioa gutun azal irekian aurkeztuko da, posta langileek eskabidearen lehenengo orria erregistra dezaten, eta posta ziurtatuz bidaliko da honako helbide honetara:

Universidad del País Vasco / Euskal Herriko Unibertsitatea
Ikerketaren arloko Errektoreordetza
Ikerketako Deialdien Atala
Errektoretzaren eraikina
Sarriena Auzoa, z/g
48940 Leioa (Bizkaia)

10.2. Beharrezko dokumentazioa:

- a. **Eskaria**, Ikerketaren arloko webgunean eskura daitekeen eredia erabiliz. Eskuzko sinadura originalarekin edo digitalarekin aurkeztu beharko da, harrera taldeko ikertzaile nagusiaren ziurtagiri elektronikoen bidez.

Dokumentu hori eskaeraren osagaitzat eta gutxieneko edukizat hartuko da, eta, beraz, eskatzaileak ezin izango du hura aldatu aurkeztu ondoren. Berori epean eta forman aurkeztu ezean, deialditik at uzteko arrazoia izango da.

Eskaera EHAEko edozein hizkuntza ofizialetan, euskaraz zein gaztelaniaz, aurkeztu ahal izango da, bai eta ingelesez ere.
- b. **Eskatzailearen curriculum vitae** PDF formatuan. Dokumentu hau curriculum vitae arautuaren (CVA) formatuaz aurkeztuko da. Eskatzaileek online editatu ahal izango dute <https://cvn.fecyt.es/editor/> estekari klik eginez. Aplikazio honen funtzionamendu honi buruzko kontsulta teknikoak cau.editor.cvn@fecyt.es helbidera bidali beharko dira.

Eskatzailearen CVa EHAEko edozein hizkuntza ofizialetan, euskaraz zein gaztelaniaz, aurkeztu ahal izango da, bai eta ingelesez ere.
- c. **Doktore titulua**. Ikasketak atzerrian eginda izanez gero, dokumentazioari gaztelaniazko edo ingelesezko itzulpena gehitu behar zaio. Tesia oraindik defendatu gabe izanik, agiri bat aurkeztu beharko da tesia inskribaturik duen doktorego programaren koordinatzaileak eta tesiko zuzendariek sinaturik, adieraziz eskatzailea titulua 6 hilabete naturalen epean lortzeko moduan dagoela. Nolanahi ere, titulua agertu beharko da kontratua sinatzerakoan.
- d. **NAN, AIZ edo pasaportearen fotokopia**, PDF formatuan.
- e. **Euskararen jakite maila egiaztatzeko ziurtagiria**. Ez da onartuko ziurtagiririk, eskariak aurkezteko epea amaitu eta gero lortu badira. Euskaraz egindako ikasketa ofizialak aintzat hartzeko eta euskara maila hizkuntza tituluaren eta ziurtagirien bidez egiaztatetik salbuesteko apirilaren 3ko 47/2012 dekretuaren ondoriozko baliozkotzeen kasuan, eskatzaileek norberari dagokion ziurtagiria aurkeztu beharko dute.
- f. **Desgaitasuna duten pertsonentzat gordetako kupoaren bidez sartzan diren pertsonentzat, % 33ko edo gehiagoko desgaitasun-maila egiaztatzen duen ziurtagiria, bai eta zuzendari zientifikoaren txostena ere, 1. oinarrian ezarritako egin beharreko lanarekin bateragarria dela ziurtatzen duena.**

Eskabidea UPV/EHUko erregistro bulegoetan edo posta bulego batean aurkezten bada paperean, edo Administrazio Publikoen Administrazio Prozedura Erkidearen urriaren 1eko 39/2015 Legearen 16.4 artikuluan aurreikusitako beste edozein bide erabiliz, aipatutako dokumentazio osoa posta elektronikoz bidali beharko da solicitudes-pifindustrial.dgi@ehu.es helbide elektronikora eskaera aurkezteko epearen barruan. Posta mezuan "gaia" atalean agertu beharko dira: "Doktoreen espezializazioa 2021" eta eskatzailearen IZEN-DEITURAK. Deialdian ezarritako dokumentazioa eransteko, behar adina mezu bidali ahal izango dira eta horietan guztietan "gaia" atalean adierazitako informazioa adierazi beharko da (kontuan izan UPV/EHUko mezua gehieneko edukiera 10 MB-takoa dela; beraz, bidalitako dokumentazioak gehiago hartzen badu, mezua ez da jasoko).

Atal honetan eskaturiko dokumentazioa besterik ez da balioetsiko atal honetan. Beraz, ez da dokumentazio gehiagorik aurkeztu beharrik izango, eskatzaileen merezimenduak egiaztatzeko.

10.3. Ebaluatzaileak euskaldunak ez badira, IAE arduratuko da euskaraz aurkeztutako eskabideak eta CVak gaztelaniara edo ingelesera itzultzeaz.

Itzulpena jasotakoan, posta elektronikoz bidaliko zaio eskatzaileari, eskabidean adierazitako posta kontuaren bidez, eta hark bost egun balioduneko epea izango du hura berrikusi eta adostasuna emateko. Epe hau kontatzeko, aintzat hartuko da postaren gestoreak mezu elektronikoa ematerakoan emititzen duen egiaztagiria. Epe hori iraganik, ulertuko da eskatzailea ados dagoela itzulpenarekin.

10.4. Eskariak aurkezteko epea. Eskariak aurkezteko epea hilabetekoa izango da, honako deialdi hau lkerkuntzaren arloko errektoreordetzaren web gunean argitaratuko denetik kontatzen hasita.

11. OINARRIA. ESKARIEN EBALUAZIOA

11.1. Diru-laguntzak esleitzeko alderdi hauek hartuko dira kontuan:

1. Eskatzailearen curriculuma (0-50 puntu).
 - a. Ekoizpen zientifiko-teknologikoa (15 puntu).
 - b. Doktore tesia (10 puntu).
 - c. I+G proiektu eta kontratuetan izandako parte hartzea (10 puntu).
 - d. Mugikortasuna (5 puntu).
 - e. Bestelako merezimenduak (10 puntu).
2. Ikerkuntza programaren interes zientifikoa eta kalitatea (0-25 puntu).
 - a. Ikertu beharreko gaiaren aurrekarien eta egungo egoeraren analisiaren kalitatea eta bibliografia (10 puntu).
 - b. Ikerketaren helburu orokorren garrantzia (10 puntu).
 - c. Metodologiaren eta egin beharreko ikerketa jardunaren egokitasuna (5 puntu).
3. Ikerketaren onurak, gizarte inpaktua, zabalkundea eta emaitzen transmisioa (0-20 puntu).
4. Euskararen jakite maila (0-5 puntu).

Adierazitako puntuazioa lortzeko, euskara mailaren egiaztagiria aurkeztu behar da, honako hauen arabera:

- C1 mailaren edo goragokoaren egiaztagiria eta baliokideak: 5 puntu.
- B2 egiaztagiria eta baliokideak: 3 puntu.
- Ez da balioetsiko adierazitakoak baino maila baxuagoko egiaztagiririk.

Egiaztagiriei dagokienez, azaroaren 9ko 297/2010 Dekretuan ezarritako baliokidetasunak hartuko dira kontuan (297/2010 Dekretua, euskararen jakite maila egiaztatzen duten tituluak eta ziurtagiriak baliokidetu eta Hizkuntzetarako Erreferentziazko Europako Esparru Komuneke mailekin parekatzeko dena).

11.2. Aurreko oinarriaren 1, 2 eta 3. irizpideak, kanpoko prozesu baten bidez balioetsiko dira Ikerkuntzarako Estatu Agentzia, Ebaluazio eta koordinazioaren azpiatala (lehengo ANEP) edo ezaugarri bertsuko bestelako kanpoko agentzia bat baliatuz. Bestetik, 4. irizpideak aipatzen duen euskararen jakite maila IGZk ziurtatuko du.

12. OINARRIA. ESKAERAK IZAPIDETZEA

12.1. Balioetsiko diren eskari onartu eta baztertuen behin-behineko zerrenda.

Eskariak aurkezteko epea amaitu ondoren, IGZk aurkeztutako eskariak aztertuko ditu. Azterketa hau amaitu eta gero, IAEk bere webgunean emango du argitara onartu diren eta bazterrean utzi diren eskaeren zerrenda, balioespen fasera iraganen direnak.

12.2. Okerren zuzenketa.

Eskaerak aurkezteko epean zehar emandako dokumentazioa osoa ez balitz edo zuzen litezkeen erroreak edukiko balitu, IAEk eskatuko dio eskatzaileari 10 egunen epean osatu eta zuzen dezan.

Eskatzaileak ezin izango du ez hobetu ez ordezkatu lehenago aurkeztutako dokumentazioa eta eskaerak ezin izango dira inola ere berriro egin. IAEk eskatu ez duen dokumentaziorik ere ezin izango da aurkeztu.

Okerren zuzenketak aurkeztu beharko dira 10. oinarrian deskribatutako bitartekoak erabilita.

12.3. Ebaluaziorako onartutako eta baztertutako eskaeren behin betiko zerrenda.

Aurkeztutako dokumentazioa aztertu ondoren, onartuen eta baztertuen behin betiko zerrendak argitaratuko dira. Behar den epean eta eran akatsak zuzendu ez dituztenek eskaria bertan behera utzi dutela ulertuko da.

12.4. Ebaluazio fasea.

Gutxien, 2 hilabetetan luzatuko da 11. oinarrian deskribaturiko ebaluazio irizpideen balioespena.

Egindako ebaluazio txostenak IGBBri bidaliko zaizkio; hark dagokion esleipen proposamena aurkeztuko dio Ikerketaren arloko Errektoreordeari eta errektoreordeak erabakia hartuko, gero argitaratzeko.

Eskatzailearen batzuen berdinketa gertatuz gero azken puntuazioan, honako irizpide hauen arabera ordenatuko dira eskariak, hurrenez hurren, berdinketa hautsi arte:

- a. Lehenetsi egingo da 11 oinarriaren 1. irizpidean puntuaziorik altuagoa lortu duen eskaria.
- b. Lehenetsiko da deialdi honetan arrakasta tasarik txikiena lukeen zientziaren arloari legokiokeen eskaria (arrakastaren %a eskariko, arlo bakoitzean).
- c. Lehenetsi egingo da 11 oinarriaren 2. irizpidean puntuaziorik altuagoa lortu duen eskaria.

12.5. Behin-behineko ebazpena.

IGBBk behin-behineko ebazpenaren proposamena egingo du, IAEren webgunean argitaratuko dena, eskatzaile guztiek lortutako behin-behineko puntuazioa adieraziz.

Hautagaiek eskariaren ebaluazio txostena eskatu ahal izango dute pre-postdoc.dgi@ehu.eus helbide elektronikora bidalitako mezua bidez.

Interesdunek 10 egun baliodunen epea izango dute egoki leritzeketen alegazioak aurkezteko. Aipatutako epean alegazio espresik jaso ezean, proposamenak onartutzat joko dira eta alegatzeko eskubidea bertan behera geratuko da.

12.6. Behin betiko erabakia.

Epea hau iraganik, IAEk aurkeztutako alegazioak helaraziko dizkio IGBBri, bertan azter daitezzen eta, ondorioz, behin betiko ebazpena egiteko proposamena helaraziko dio Ikerketaren arloko Errektoreordetzari.

Kontratazioa emateko edo ukatzeko behin betiko ebazpena IAEren webgunean argitaratuko da, eta argitalpen horrek interesdunei jakinarazteko balioa du.

12.7. Behin betiko erabakiaren aurkako errekurtsioak.

Behin betiko ebazpenak administrazio bidea agortzen du eta honako bide hauek daude beraren kontra egiteko, inola ere aldi berean erabilia:

1.- Lehenengo eta behin, aukerako berraztertze errekurtsioa aurkez dakioke erabakia eman duen organoari berari hilabeteko epean, jakinarazpena jaso eta biharamunetik kontaktzen hasita.

Administrazio errekurtsio hori jarriz gero, eta errekurtsioa jarri eta hilabeteko epean erabaki adierazirik jaso ezean, errekurtsioa administrazio isiltasuna medio ezetsi dela ulertu beharko da. Horrela gertatuz gero, hurrengo atalean adierazitako auzibidera jotzeko aukera egongo da.

Kasu horretan, administrazioarekiko auzi errekurtsioa jartzeko epea sei hilabetekoa izango da, errekurtsioa ezetsitzat joa izan den egunaren biharamunetik kontaktzen hasita (Administrazio Publikoen Administrazio Prozedura Erkideari buruzko urriaren 1eko 39/2015 Legea, eta Administrazioarekiko Auzien Jurisdikzioa arautzen duen uztailaren 13ko 29/1998 Legeko 46. artikulua).

2.- Zuzenean, administrazioarekiko auzi errekurtsioa jar daiteke Bilboko administrazioarekiko auzien epaitegietan. Horretarako, bi hilabeteko epea dago, erabaki honen jakinarazpena jaso eta biharamunetik hasita (administrazioarekiko auzietako jurisdikzioa arautzen duen uztailaren 13ko 29/1998 legearen 8.3 eta 46. artikulua).

13. OINARRIA. KONTRATUA ADJUDIKATZEA

13.1. Behin betiko erabakia jakinarazi eta hamar lanegunetara, kontrataziorako hautatutakoek, kontratua lortzeko alegatu dituzten baldintza eta merezimenduen egiazkotasuna agertzeaz gain, honako dokumentazio hau aurkeztu beharko dio IAE-ri:

- a. Deialdi honen esleipendun gisa dituzten betekizunen onarpen dokumentua.
- b. Identifikazio fitxa, datu pertsonalak, bankukoak, eta Gizarte Segurantzako afiliazio zenbakia dituen.
- c. Zinpeko adierazpena, Zientzia, Teknologia eta Berrikuntzari buruzko 14/2011 Legearen 22. artikuluan adierazten den kontratua egiteko bateraezintasunik ez dagoela ziurtatzen duena.
- d. Doktore-tituluaren fotokopia konpultsatua edo tituluari dagokin homologazio-agiria.
- e. Lanean hasi delako agiria.

Eskatutako agiriak epe barruan eta formaz aurkezten ez badira, kontratuaren formalizatzeari uko egiten zaiola ulertuko da.

13.2. Europar Batasuneko herritarrak ez diren pertsonen kasuan, Espainian lan egiteko aurretiazko administrazio baimena izan behar dute, ekintzaileei eta haien nazioartekotzeari laguntzeko irailaren 27ko 14/2013 Legean xedatutakoaren arabera.

13.3. Kontratu guztiak formalizatzeko data laguntzak emateko behin betiko erabakian ezarriko da.

13.4. Arau orokor gisa, eta 2.6 klausulan xedatutakoa salbu, departamentu, institutu edo atxikipen gunera atxikitzea kontratua formalizatu eta berehala egin beharko da.

13.5. Eskariak ebaluatzean kontuan hartu diren baldintzak aldatzen badira, alta emateko tramitea eten egingo da eta, hala dagokionean, kontratua deuseztatu egingo da.

14. OINARRIA. BATERAEZINTASUNEN ERREGIMENA

Deialdi honen babesean formalizatutako kontratua ez da bateragarria izango beste batekin, honako hauekin izan ezik: Bateraezintasunei buruzko abenduaren 26ko 53/1984 Legeko 9. artikuluan aipatzen diren jarduerak, eta Unibertsitatei buruzko abenduaren 21eko 6/2001 Lege Organikoko 83. artikuluan aipatzen diren erakunde edo pertsonekin egindako lankidetzak kontratuak.

15. OINARRIA. UKO EGITEAK, BAJAK ETA KONTRATUAREN AMAIERA

Kontratututako langileen **ukoen, baje eta gainerako gorabeheren berri zuzendari zientifikoak edo kontratatutako langileak berak eman behar dio**, gertaera eragilea gertatu eta hamar lanegunen buruan, **Irakasle eta Ikertzaileen arloko Errektoreordetzari; jakinarazpenari gehitu behar dizkio**, kasuan kasu, dagozkion egiaztapen dokumentuak.

16. OINARRIA. JARRAIPENA

Deialdi honekin bat etorrita kontratatutako pertsonalak egindako lanaren jarraipen zientifiko eta tekniko IGZri dagokio, horretarako jarraitu beharreko prozedurak ezarriko dituelarik. Hortaz, egoki leritzekeen organoak, batzordeak eta pertsonal aditua izendatu ahal izango ditu eta egoki leritzokeen informazio osagarria eskatu, kontratua behar bezala burutu den egiaztatze beharko liratekeen jarraipen eta egiaztatze egitateak buru ditzaten.

AZKEN XEDAPENETATIK LEHENENGOA

Deialdi honek administrazio bidea agortzen du eta honen kontra administrazioarekiko auzi errekurtsioa jar daiteke Bilboko Administrazio Auzietako Epaitegietan, bi hilabeteko epean deialdia argitaratzen den egunetik kontatzen hasita. Hala izanik ere, aukerazko birjartze errekurtsioa jarri ahal izango da ebazpena argitaratu eta hilabetearen epean Ikerketaren arloko Errektoreordearen aurrean, 39/2015 legearen 123. artikuluekin bat etorrita.

AZKEN XEDAPENETATIK BIGARRENA

Honako deialdi hau Ikerketaren arloko Errektoreordetzaren webgunean argitaratzerakoan sartuko da indarrean.

Leioan, 2022ko ekainaren 6an.

Inma Arostegui Madariaga
Ikerketaren Arloko Errektoreordea
Vicerrectora de Investigación